

Haut ass de Internationalen Dag vun der Pressefräiheet,

léif Kolleginnen a Kollegen,

léif Frënn a Frëndinnen,

Traditionell denken mer un eis Kolleg/innen weltweit, déi hir't Liewen am Asaz fir de Journalismus geloos hunn oder déi agespartt goufen oder attackéiert wëll hir Recherchen dene Mächtegen net gepasst huet. Awer net nëmmen mer, sondern mer zesummen mat engem Bündnis vun der Lëtzebuurger Zivilgesellschaft, wëll d'Pressefräiheet geet eis all eppes un!

Leider kennt den Drock awer net nëmmen vun dene Mächtegen – am Zuge vu Populismus an enger von dene soziale Medien geschürter Polariséierung ginn och Journalist/innen zum Feindbild stiliséiert. An Däitschland, a Frankreich an der Belge goufen Kolleg/innen aus der Bevölkerung attackéiert beim Versuch zB Manifestatiounen géint Corona-Mesuren oder de Rietsextremismus ze couvréieren. Dat muss ophalen.

Am rezente Ranking vu „Reporter ouni Grenzen“ steet Lëtzebuerg méttlerweil just nach op der 20. Plaz vun de Länner, wou d'Liberté de presse am héchste gehale gëtt. Dat ass e Minus vun ëmmerhin 3 Plazen, par Rapport zum leschte Joer. 2013 war Lëtzebuerg souguer nach op der véierter Plaz. Dat ass lamentabel a geschidd wann een sech net ëmmer nees fir d'Rechter vun de Journalist/innen asetzt.

Fir dene Fake news an der Avalanche un Disinformation ze konteren, braucht et en héich qualitativen ethesche Journalismus den d'Fakten opdeckt, Hannergrënn analyséiert an d'Informatiounen kontextualiséiert. Fir dat ze kënnen an och fir als veiert Muecht de Fonctionnement vun eisen demokratischen Institutiounen kontrolléieren ze kënnen, braucht et een gesetzlech verankerten Informatiounszugang am Pressegesetz.

D'ALjp huet dat omfong schon zenter 2004 beim der Reform vum Meinungsfräiheitsgesetz gefuedert an awer kee Gehéier fonnt.

Den Transparenzgesetz dat schléisslech vun der Dreierkoalitioun DP-LSAP-Gréng den 2018 gestemmt gouf, ass keen Ersatz a gouf, am Gegensatz zu wat den Premier a Medienminister haut am Tageblatt behaupt huet, och net fir Journalist/innen als „Hauptinteressent/innen“ formuléiert: Et huet net nëmmen mat engem Mount resp 2 Méint komplett onrealistesche Fristen fir Journalist/innen, sondern och de Begriff vun Informatiounen ass vill ze limitéiert fir wirklech transparent ze sinn.

Et sinn nämlech nemmen schrefflech administrativ Dokumenter gemengt. A beim Urdeel iwwer de Google-Memorandum of Understanding vum Mouvement écologique gefrot, hu mer gesinn wat dat heescht: nämlich Birger/innen dürfen net gewuer ginn wat der Staat an d'Gemeng fir Kontrakter hannert verschlossenen Dieren ofschléissen. Och net wann et hir Zukunft, hir Ëmwelt, an hirem Land betrifft.

Während der Corona-Pandemie huet och dës Regierung d'Informatiounen zreckgehal respektiv den Informatiounsfluss ze kontrolléieren. An zB Zougang zu Expert/innen verhennert. Dat däerf net sinn!

Dogéint wehrt sech d'Aljp an huet dowéinst zesummen mat engem breeden Bündnis von ALMI, Asti, ASTM, Amnesty international, Greenpeace, Menschenrechtskommissioun, Mouvement écologique, OGBL an Unesco eng Kampagne fir een Informatiounszugang fir Journalist/innen an fir eng Reform vum vil ze vill schwaachen Transparenzgesetz ze fuerden. Zill ass, den Journalisten hiren outil de travail gesetlech am Meenungsgräiheetsgesetz vun 2004 ze verankeren.

Zill ass awer och fir den Zougang zu offiziellen Informatiounen fir all Birger/innen ze verbessern. Dat bedeit e serieux't Iwwerschaffen vum Transparenzgesetz esou dat offiziell Informatiounen zum Beispiel iwwer Umwelt iwwer Kontrakter tèschent Staat an Entreprises, d'Zesammensetzung vun Aarbechtsgroupen, Etüden méi einfach gemaach ginn.

Des Regierung ass ugetrueden fir méi Transparenz. Si krut vun der ALJP op Ufro vun der Chamberkommissioun souguer eng proposition de loi fir eis Doléancen ze behiewen. Bis elo ass do awer net vill geschidd, bien au contraire: mat der Pandemie goufen nach néi Hürden beim Access opgebaut.

Mir soen: wäisen gilt a ruffen all Birgerinnen an Birger op eis bei an unser Fuederung ze ënnerstëtzen! Fir een Informatiounszougang Elo! Fir méi Transparenz!